



Sud Bosne i Hercegovine
Суд Босне и Херцеговине

Broj: S1 3 Iž 043498 22 Iž
Sarajevo, 11.08.2022.godine

Sud Bosne i Hercegovine, u vijeću Apelacionog odjeljenja sastavljenom od sudija Zvezdane Antonović, kao predsjednika vijeća, Dinke Bešlagić-Čovrk i Mirka Božovića, kao članova vijeća, odlučujući o žalbi Merdanović Zekije, S. ..., izjavljenoj protiv Odluke Centralne izborne komisije Bosne i Hercegovine broj: 06-1-07-1-608-3/22 od 08.08.2022.godine o odbijanju upisa u izvod iz Centralnog biračkog spiska za glasanje izvan Bosne i Hercegovine za Opće izbore 2022.godine, u nejavnoj sjednici, održanoj dana 11.08.2022.godine, donio je

R J E Š E N J E

Žalba se odbacuje kao nedopuštena.

O b r a z l o Ź e n j e

Odlukom Centralne izborne komisije Bosne i Hercegovine, broj i datum navedeni u uvodu, odbijen je upis u izvod iz Centralnog biračkog spiska za glasanje izvan Bosne i Hercegovine za Opće izbore 2022. godine po podnesenim prijavama do 19.07.2022. godine, jer nisu ispunjeni uslovi propisani odredbom člana 3.15 stav 1., 2. i 3. Izbornog zakona Bosne i Hercegovine. U odnosu na žalitelja odbijen je upis iz razloga što podnositelj žalbe nije u cjelosti popunila obrazac prijave za upis birača u CBS za glasanje izvan BiH.

Protiv ove odluke u ime žalitelja žalbu je podnesena putem e-maila sa e-mail adrese ... i sa e-mail adrese ... u kojoj je navedeno da se nada će njena žalba biti uvažena i dostavlja traženu dopunu dokumentacije.

Centralna izborna komisija Bosne i Hercegovine je u datom odgovoru na žalbu, predložila da se ista odbaci kao nedopuštena.

Žalba nije dopuštena.

Uvidom u spis predmeta Sud je utvrdio da je žalba u ime Merdanović Zekije izjavljena sa e-mail adrese ... Međutim, u Obrascu prijave za glasanje izvan BiH u koloni D. pod 6. u kontakt podacima je upisana e-mail adrese ..., bez punomoći.

Obzirom da žalitelj nije dostavio punomoć za izjavljivanje žalbe na pobijanu odluku Centralne izborne komisije BiH, to se ista ne može tretirati kao dozvoljena i izjavljena od ovlaštenog lica.

Kako je po shvatanju apelacionog vijeća žalba izjavljena od neovlaštenog lica, u smislu odredbe člana 180. stav 3. Zakona o parničnom postupku pred Sudom BiH („Službeni glasnik BiH“ broj: 36/04, 84/07 i 58/13), to je istu, analognom primjenom člana 191. stav 1. tačka 1. citiranog zakona, a koji se primjenjuje temeljem odredbe člana 60.a) Zakona o upravnim sporovima Bosne i Hercegovine („Službeni glasnik BiH“, broj: 19/02 do 74/10), valjalo odbaciti kao nedopuštenu.

**PREDSJEDNIK VIJEĆA
S U D I J A**

Zvezdana Antonović